



Biblioteca

Biblioteca ta un palabra poco difícil. E ta un palabra griego: "Biblion" ta buki y "teca" kiermen deposito. E prome biblioteca na mundo tabata mas cu 3000 aña prome cu Cristo. Claro e tempo ey no tabata tin papel, pero scrituranan riba piedra. Despues a cuminsa bin mas biblioteca na Asyria, Ninivé y asina poco-poco na henter mundo a lanta bibliotecanan sea grandi o chikito.

Na Aruba nos a haya e promé biblioteca na 1905. El a wordo lantá pa Algemeen Nederlands Verbond, pero despues di algun aña el a sera bek. Na 1944 ANV a bolbe habri su biblioteca cu 250 buki. Na 1948 a lanta un biblioteca publico den un hala di e oficina di Gezaghebber di es tempo, situá na Emanstraat, caminda awor ta Palacio di Husticia.

E prome bibliotecario tabata dr. ds. A. J. C. Krafft. Nan a haya di gobierno un bon fondo pa compra buki. Pronto e lugar a bira chikito y na 1950 biblioteca a muda pa un edificio na e skina di Lagoenweg y Zoutmanstraat, caminda un tempo tabata Dienst van Openbare Werken, despues Tabuleerdienst, sigui pa Arbeidszaken. Tambe biblioteca a haya un director nobo, kende tabata e conocido dr. Johan

tin 2 biblioteca. Sociedad Bolivariana tabata tin uno for di 1943, pa miembro so. Na 1965 a habri un filial na Sta. Cruz, pero a sera atrobe na 1974.

For di 1968 Aruba ta disponé tambe di un bibliobus. Mientrastanto diferente scol basico y avansá, tambe IPA y Universidad a cuminsa cu nan propio biblioteca.



Esaki ta unda na aña 1951 tabata e filial na San Nicolas

Nos biblioteca nobo y moderno a keda inaugurá dia 1 di september 1982 y su number oficial Biblioteca Nacional di Aruba a bin dia 3 di maart 1986, tempo Aruba a haya Status Aparte. Algo importante ta, cu for di 1987, tur hende por haya informacion riba temanan di Aruba y Caribe den e seccion Arubiana / Caribiana.

Na 1989 San Nicolas tambe a haya un sucursal nobo.

Awendia Biblioteca Nacional di Aruba ta conta cu 21.879 miembro, di cual 9811 ta adulto, 4910 hoben te cu 17 aña y 7158 mucha te cu 12 aña.

Aki 5 aña lo ta un siglo cu Aruba a conocé su promé biblioteca. Y den e siglo ey, Aruba a produci hopi maestro, dokter, abogado, ingeniero y personanan inteligente.

Asina ta, corda semper cu "Les ta haci'bo sabí!"




Esaki ta e edificio caminda na aña 1950 e biblioteca tabata ta. Aki tambe ta caminda tabata tin e teatro na aire liber.

Hartog. Como mucha nos tabata busca buki tur diabierna atardi. Den cura di e biblioteca aki tabata tin un teatro na aire liber. Tur diabierna atardi 6'or tabata tin cini pa mucha. Entrada tabata diez placa (25 ct).

Pero 5 aña despues e lugar aki tambe a bira chikito pa tanto miembro. Dia 20 di juni 1955, Biblioteca a pasa pa Wilhelminastraat, den e edificio cu tabata Margrietschool (mira CHABALITO nr. 1 - III)

Interes di publico a sigui crece y tabata necesario pa habri filialnan den otro districtonan. Ya for di 1951 San Nicolas tabata tin su biblioteca na Van Speykstraat 1. Tambe na 1950 a habri bibliotecanan na Marinierskazerne, Savaneta, na prison na Dakota y na Scol Protestant di Piedra Plat.


Prome cu esakinan nos ta haya Esso Club of Lago cu tabata



Esaki ta unda na aña 1965 tabata e filial na Santa Cruz

Chabalito

Number 2 - Año III - October, 2000 - Afl. 2,=



• Historia di Biblioteca • Hari cu nos Chasconan • Premio, premio, premio! •